

RREGULLORE PËR VENDOSJEN E GJOBAVE DHE KUSHTET E LEHTESIMIT TE TYRE

PJESA E PARË Dispozita të Përgjithshme

Neni 1 Autoriteti

Kjo Rregullore hartohet në zbatim të nenit 64, pika 3, të Ligjit nr.9072, datë 22.05.2003 “Për Sektorin e Energjisë Elektrike”, te ndryshuar, Ligjit nr. 10279, date 20.05.2010 “Per kundravajtjet administrative” dhe në përputhje me Rregullat e Praktikës dhe Procedurave të ERE-s.

Neni 2 Qëllimi

Qëllimi i kësaj Rregullore është të zbatoje detyrimet e vendosura ne Ligjin nr. 9072, date 22.05.2003 “Per sektorin e energjise elektrike”, te ndryshuar dhe te sigurojë një trajtim të barabartë e transparent për të gjithë të licensuarit në sektorin e energjisë elektrike për të cilët ERE nis procedimin per vendosjen e gjobave per shkeljet e percaktuara ne ligjin e mesiperm, përmes vendosjes së procedurave të njëjta për të licensuarit në sektorin e energjisë elektrike në rastet e vendosjes ndaj te licensuarve te gjobave nga ERE.

Neni 3 Objekti

Kjo Rregullore përcakton procedurat që aplikohen për vendosjen e gjobave dhe metodologjine e percaktimit dhe lehtesimit prej tyre, per te licensuarit ne sektorin e energjise elektrike, ne rastet e shkeljeve te ndershkueshme nga ERE me gjobe.

Neni 4

Përkufizime

Fjalët dhe frazat e mëposhtme të përdorura në këtë Rregullore, do të kenë kuptimet e mëposhtme:

1. Ne rast konflikti perkufizimet e percaktuara ne Ligjin nr. 9072, date 22.05.2003 “Per sektorin energjise elektrike”, te ndryshuar dhe ne Modelin e Tregut, miratuar me Vendim 338, date 19.03.2008, kane perparesi ndaj perkufizimeve te percaktuara ne kete rregullore.
2. “Ligj” do të thotë ligji nr.9072 datë 22.05.2003 “Për sektorin e Energjisë Elektrike” me te gjitha ndryshimet.
3. “Bordi i Komisionerëve” do të thotë organi vendimarrës i ERE-s i përbërë nga pesë anëtarë të emëruar sipas procedurave të parashikuara nga Ligji nr.9072 datë 22.05.2003 “Për Sektorin e Energjisë Elektrike”, te ndryshuar.
4. “ERE” do të thotë Enti Rregullator i Energjisë.
5. “Licensë” do të thotë një autorizim që i jepet një personi sipas Pjesës së Tretë të Ligjit nr.9072 datë 22.05.2003 “Për Sektorin e Energjisë Elektrike”
6. “I licensuar” do të thotë një person që mban një licensë të dhënë sipas Pjesës së Tretë të Ligjit nr.9072 datë 22.05.2003 “Për Sektorin e Energjisë Elektrike”
7. “Proçedurë” do të thotë një tërësi e veprimeve që kryen në zbatim të legjislacionit në fuqi sikurse percaktuar ne kete rregullore.
8. “Rregullat e praktikës dhe procedurave te ERE-s”, jane rregullat e miratuara nga Bordi i Komisionereve i ERE-s, me Vendimin nr. 21, date 18.03.2009, i ndryshuar.
9. “Titullar” do te thote sipas rastit Kryetari i ERE ose Bordi i Komisionereve.

10. “Subjekt i interesuar” do te thote cdo i licensuar apo cdo organizem tjetër sipas rastit.
11. “Të ardhurat vjetore” janë totali i të ardhurave të gjeneruara nga shitja e të mirave apo shërbimeve gjatë një viti financiar paraardhës nga një kompani, apo i licensuar, sipas pasqyrave financiare të tij apo raportimeve në organet tatimore.
12. “Xhiro mesatare ditore” do te thote të ardhurat mesatare nga shitjet ditore që rezultojnë nga raporti i të ardhurave të gjeneruara nga shitja e të mirave apo shërbimeve gjatë një viti financiar paraardhës me numrin e ditëve të vitit kalendarik paraardhës.
13. “Vlera fillestare e gjobes” do quhet vlera e përcaktuar nga ERE për efekt të llogaritjes së vlerës përfundimtare të gjobes sipas Aneksit nr. 1.

PJESA E DYTË

Dispozita të Posaçme

Neni 5

Gjobat

1. Cdo subjekt i licensuar nga ERE mund të jetë objekt i ndeshkimit nga ERE për një ose më shumë nga shkeljet e kryera prej tij si më poshtë:
 - a. Refuzimi i paraqitjes së të dhënave dhe raporteve periodike apo dërgimi me vonesë i tyre, ose dërgimi i të dhënave të pasakta, nga i licensuari;
 - b. Moszbatimi i detyrimeve që lidhen me llogaritjen e kostove dhe tarifave si dhe zbatimin e tyre;
 - c. Mos zbatimi i detyrimeve të shërbimit publik të vendosura sipas nenit 25 ligjit.
 - d. Moszbatimi i detyrimit për mbajtjen e llogarive të ndara sipas neneve 23 dhe 33 të ligjit;
 - e. Moszbatimi i detyrimeve që lidhen me aksesin e paleve të treta në rrjet siç përcaktohet nga dispozitat e ligjit dhe aktet e tjera nënligjore;

- f. Moszbatimi i detyrimeve te percaktuara ne kontratat e rregulluara;
 - g. Mospublikimi informacionit per tarifat dhe kushtet e pergjithshme te aksesit dhe perdorimit te sherbimeve te rrjetit;
 - h. Mosparaqitja e planeve te investimeve sipas kerkesave te nenit 24 te ketij ligji dhe rregullave perkatese te ERE-s si dhe moszbatimi i tyre;
 - i. Shkelja e nje prej kushteve e standarteve te cilesise se furnizimit te miratuara nga ERE;
 - j. Nuk permbush urdherimet e ERE-s per zgjidhjen e mosmarreshjeve nga ERE midis te licensuarve;
 - k. Shkeljet e kushteve te percaktuara ne license, apo shkeljet e rregullave dhe rregulloreve te ERE-s, qe nuk jane percaktuara ne shkronjat e mesiperme.
2. Nuk mund te vendoset fillimi i nje procedure per vendosje gjobe nese shkelja e pretenduar ka me shume se 5 vjet qe ka ndodhur.

Neni 6

Masa e Gjebes

1. Masat e gjebes do te percaktohen nga ERE ne perputhje me Aneksin 1, te kesaj Rregulloreje, brenda kufijve si me poshte:
- a. Maksimumi i barabarte me 3% te te ardhurave vjetore te vitit paraardhes te te licensuarit.
 - b. Minimumi me 0,01% te te ardhurave vjetore te vitit paraardhes te te licensuarit.
2. ERE mund te vendose gjobe progresive per cdo dite shkelje nga i licensuari per rastet e meposhtme:
- a. Kur nuk zbaton urdherat e ERE-s per korrigjimin e nje shkelje brenda afateve te percaktuara nga ERE, i licensuari denohet me gjobe ne masen 0.5 % te xhiros mesatare ditore sipas vitit financiar paraardhes per cdo dite shkelje nga dita e afatit te percaktuar.
 - b. Kur i licensuari nuk permbush detyrimet per pagesen e rregullimit ndaj ERE-s, per cdo dite vonese nga dita e percaktuar per pagesen perkatese te rregullimit denohet me gjobe ne masen 0.5 % te xhiros mesatare ditore ne vitin financiar paraardhes.

3.Vlera perfundimtare e gjobes do percaktohet si zbritje e vleres fillestare te gjobes me vleren e kushteve lehtuesuese.

Neni 7

Fillimi i investigimit

1. ERE mund te filloje nje investigim per vendosje gjobe ne rastet kur:
 - ka marre kryesisht dijeni per nje shkelje;
 - vihet ne dijeni nga nje i licensuar tjetër apo cdo subjekt tjetër i interesuar per nje shkelje.
2. Ne cdo rast fillimin i investigimit vendoset me urdher te Titullarit apo vendim te Bordit te Komisionereve te ERE.

Neni 8

Shqyrtimi fillestar

1. Ne cdo rast qe stafi teknik qe ka kryer investigimin konstaton nje nga shkeljet e parashikuara ne nenin 5, do te pergatise nje informacion te detajuar mbi shkeljen/et e konstatuara dhe propozimin per fillimin e procedures per vendosje gjobe ndaj te licensuarit.
2. Ne rast se merret vendim nga ana e Bordit të Komisionerëve të ERE-s për të filluar proceduren e vendosje se gjobes një të licensuari, ky vendim do ti njoftohet të licensuarit, nga ERE, brenda 5 diteve pune nga marrja e vendimit te Bordit i Komisionerëve.
3. Njoftimi per vendosjen e gjobes do te permbaje:
 - Identiteti i te licensuarit
 - Shkeljen e konstatuar
 - Dokumentacionin provues ku mbeshtetet vendosja e gjobes
 - Masen e Gjobes se propozuar
 - Te drejten e te licensuarit per te kthyer pergjigje brenda 10 diteve kalendarike, nga marrja dijeni, dhe paraqitjen e argumentave dhe cdo dokumentacioni qe konsiderohet i nevojshem, ne mbeshtetje te pergjigjes se

- tij apo per qellime te procedures se nisur nga kjo rregullore dhe ekiztences se rrethanave lehtesuese. I licensuari ka te drejte qe brenda ketij afati te kerkoje zhvillimin e nje seance degjimore per te bere sqarimet e duhura.
4. Ne cdo faze te nje procedimi per vendosje gjobe, ERE mund te kryej seanca degjimore me te licensuarin dhe subjektin qe ka kerkuar kryejen e investigimit, apo ERE mund te kerkoje dokumenta te tjere te nevojshem per qellime te procedures se nisur.

Neni 9

Percaktimi i vleres fillestare te gjobes

1. ERE do te percaktojë vleren fillestare te gjobes brenda kufirit maksimal dhe minimal te vendosur ne ligj. Kriteret e percaktimit te vleres fillestare te gjobes jane:
- a) Shkaqet e kryerjes së kundërvajtjes;
 - b) Nëse kundërvajtësi rezulton i dënuar administrativisht edhe më parë;
 - c) Rëndësinë e kundërvajtjes;
 - ç) Pasojat që kanë ardhur nga veprimi apo mosveprimi.

Neni 10

Shkaqet e Kryerjes se kundravajtjes

1. Per efekt te llogaritjes se vleres fillestare te gjobes shkaqet e kryerjes se kundravajtjes do konsiderohen te parendesishme, mesatare apo te rendesishme.
2. Per percaktimin e niveleve te rrethanava do merren per baze kriteret e meposhtme:
- a. Pozicioni hierarkik ne kompani te personit qe ka kryer shkeljen;
 - b. Mungesa e modeleve organizative dhe te rregullave te menaxhimit korrekt me qellim parandalimin e kryerjes se shkeljes;
 - c. Tentativa per te fshehur shkeljen
 - d. Nese kundravajtja eshte realizuar me dashje apo nga pakujdesia

Neni 11

Nese i licensuari eshte denuar me pare per kundravajtje

Per efekt te llogaritjes se vleres perfundimtare te gjobes do merret ne konsiderate nese i licensuari eshte denuar me pare per shkelje te ligjit dhe akteve te tjera ne zbatim te tij. Kushti i rendesishem do jete nese eshte denuar edhe me pare per te njejten shkelje.

Neni 12

Rendesia e kundravajtjes se kryer

1. Per efekt te llogaritjes se rendesise se shkeljes se kryer rendesia do konsiderohet e vogel, mesatare apo e madhe.
2. Per percaktimin e nivelit te rendesise se kundravajtjes se kryer do merret per baze perfitimi financiar i realizuar nga i licensuari si pasoje e kesaj kundravajtjee. Per percaktimin e nivelit te perfitimit financiar te realizuar nga i licensuari do merret per baze raporti i te ardhurave te perfituara me te ardhurat vjetore te vitit paraardhes te te licensuarit, si pasoje e kesaj kundravajtje.
3. Gjithashtu per baze do merret edhe kohezgjatja e kesaj kundravajtje.

Neni 13

Pasojat qe kane ardhur nga veprimi apo mosveprimi

1. Per efekt te llogaritjes se vleres fillestare te gjobes, pasojat qe kane ardhur nga veprimi apo mosveprimi i te licensuarit do konsiderohen, te vogla, mesatare, apo te medha.
2. Per percaktimin e niveleve te pasojave te ardhurave do merren per baze nje ose me teper nga kriteret e meposhtme ne varesi te shkeljes:
 - a) Demi i shkaktuar apo rritja e kostove te shkaktuara konsumatoreve apo pjesmarreve ne treg;
 - b) Numri i klienteve te perfshire;
 - c) Rritja e dominances ne treg te te licensuarit;

- d) Pengimi i punes se rregullatorit ne kryerjen e funksioneve te veta ligjore per monitorimin dhe kontrollimin e te licensuarit.

Neni 14

Lehtesimi nga gjoba

1. ERE do te konsideroje se i licensuari ploteson kushtet per uljen e gjobes kur egzistojne nje ose te gjitha rrethanat si me poshte:
 - a) reduktimi ne masen 50% te gjobes - kur shkelja per te cilen parashikohet gjobe deklarohet nga vet i licensuari .
 - b) reduktimi ne masen 1/3 te gjobes - kur i licensuari bashkepunon ne menyre efikase ne procesin e investigimit prej rregullatorit per shkeljen ne fjale.
 - c) reduktimi ne masen 50% te gjobes - kur i licensuari demonstroi se ka kryer veprime qe cojne ne permiresimin e tregut te rregulluar. Do te konsiderohen veprime qe cojne ne permiresimin e tregut, veprimet te cilat pavaresisht shkelje,s kane ndikuar ne permiresimin e standarteve te sherbimit, konkurrences, eficensen ne treg etj.
2. Lehtesimi nga gjoba do realizohet duke reduktuar masen e gjobes sipas cdo kriteri, nje nga nje, mbi vleren perfundimtare per cdo rast.

Neni 15

Propozimi përfundimtar

Pas marrjes së përgjigjes me shkrim nga i licensuari brenda afatit të përcaktuar më sipër ne nenin 8 te kesaj rregulloreje, personat e ngarkuar që ndjekin këtë procedure ne ERE, do të shqyrtojnë këtë përgjigje brenda afatit te vendosur nga Bordi i Komisionereve dhe do të përgatisin një relacion për Bordin e Komisionerëve mbi argumentat e paraqitur ne pergjigjen e te licensuarit, rrethanat lehtesuese dhe gjithë dokumentacionin mbeshtetes, nese ka, dhe do ti propozojnë Bordit të Komisionerëve për:

- Marrjen vendimi per vendosje gjobe dhe masen perkatese, ose
- Mosgjohitje e te licensuarit per mos vertetim te shkeljes.

Neni 16

Vendimi i Bordit

1. Me marrjen e informacionit të detajuar me të dhënat sipas dispozitave të mesiperme të kësaj rregulloreje dhe pasi është njohur me përgjigjen e të licencuarit, Bordi i Komisionerëve do të vendosë për ndeshkimin ose jo të licencuarit dhe vlerën perkatese të gjobes.
2. Në përfundim të një procedure për vendosjen e gjobes nje subjekti te licensuar, ERE do të njoftojë të licencuarin mbi Vendimin e Bordit te Komisionereve te marre ndaj tij si dhe do ti dërgoj një kopje të këtij vendimi, sipas afateve të percaktuara ne Rregullat e Praktikës dhe Procedurave te ERE-s.
3. Gjoba e vendosur nga Bordi i Komisionereve perben titull ekzekutiv sipas ligjit nr.10279, date 20.05.2010 “Per kundervajtjet administrative”.

Neni 17

Apelimi i vendimit

Kundër Vendimit të Bordit të Komisionerëve për vendosje të gjobes, i licencuari mund të bëjë ankim në gjykatë në përputhje me ligjin nr.10279, date 20.05.2010 “Per kundervajtjet administrative”.

PJESA E TRETË

Dispozita të Fundit

Neni 18

Amendamente të Rregullores

Kjo rregullore janë objekt rishikimi dhe ndryshimi me vendim të Bordit të Komisionerëve të ERE-s në përputhje me Rregullat e Praktikës dhe Procedurave të ERE-s.

Neni 19
Hyrja në Fuqi

Kjo Rregullore dhe pjeset perberese te saj, hyn në fuqi pas publikimit në Fletoren Zyrtare të Republikës së Shqipërisë.

Aneksi 1

Tabela per llogaritjen e vleres perfundimtare te gjobes

Faza I: Fiksimi i vleres fillestare te gjobes ¹			
Kriteret per vendosjen e gjobes			
1. Shkaqet e kryerjes së kundërvajtjes	25 %	Te parendesishme	4 %
		Mesatare	12 %
		Te rendesishme	25 %
2. Nëse kundërvajtësi rezulton i dënuar administrativisht edhe më parë	25 %	Nuk është denuar me pare	0 %
		Eshte denuar me pare	12 %
		Eshte denuar me pare per te njejten shkelje	25 %
3. Rëndësinë e kundërvajtjes	25 %	E vogel	4 %
		Mesatar	12 %
		E madhe	25 %
4. Pasojat që kanë ardhur nga veprimi apo mosveprimi	25 %	Te vogla	4 %
		Mesatare	12 %
		Te medha	25%

¹ Vlera fillestare e gjobes do llogaritet si nje perqindje (qe percaktohet nga tabela e mesiperme) ndaj kufirit maksimal te gjobes te percaktuar ne nenin 64, pika 1, e Ligjit 9072, date 22.05.2003 “Per sektorin e energjise elektrike”. Nese kjo vlere rezulton me e vogel se kufiri minimal i gjobes se vendosur ne ligj, atehere kjo e fundit do te sherbeje si vlere fillestare e gjobes.

<p>Faza II: Llogaritja e vleres perfundimtare gjebes do behet sipas formules: $G_j = VFG_j - K L$ Ku $G_j = G_{\text{joba}}$ $VFG_j = \text{Vlera fillestare}$ $KL = \text{Kushtet Lehtesuese}$</p>		
Kushtet Lehtesuese	1. Shkelja per te cilen parashikohet gjobe deklarohet nga vet i licensuari	50%
	2. I licensuari bashkepunon ne menyre efikase ne procesin e investigimit te rregullatorit per shkeljen ne fjale	33%
	3. I licensuari demonstroi se ka bere veprime qe cojne ne permiresimin e tregut te rregulluar	50%